



G Georgius ex nobili familia Dapiferorum de Vuetzhausen natus, à pueris operâ literis dedit, & mediocrem sibi eruditionem comparauit. Is cum adoleuisset, anno 1490 Hierosolymam peregrinatus est, ut Domini sepulchrum inuideret, & loca sacra attrectaret. Postea domum reuersus ob pietatis amorem Anhusium monasterium intrauit, atq; Benedictinorum ordinem suscepit. fundatum erat illud ab Ernesto comite de alto Truhendingen, eiusq; sororio Hartmanno barone de Lodenburg, anno 958. Situm est autem in Marchionatu Brandenburgensi Norico, ad Vuernicum amnem Aureaten sis diocœseos. Primo quidem in eo loco erant Præpositi designati, uerùm circa annũ 1100 Marquardus primus in eo Abbas constitutus. Cum itaq; Georgius in eo cœnobio per aliquot annos modestè uixisset, statim anno 1499 uicesimus abbas designatus est. eam functionem is magna animi moderatione suscepit, atq; monasterium ruinas minitans egregiè restaurauit. In suæ etiam profectiois memoriã condidit in choro templi Anhusensis Dominicum sepulchrum anno 1521, & in marmoreo monumento parieti inhærente significauit. Cum autem anno 1530 in Marchionatu Brandenburgensi religio mutaretur, ipse monasterium reliquit, & Aychstadium concessit. In eo loco anno 1548 ueneranda canitiæ conspicuus etiamnum uixit, & Mauritio episcopo ob multas animi & corporis uirtutes gratissimus fuit. Cas. Brusck. in Monast. Germaniæ.